

O'zbekiston «Adolat» sotsial-demokratik partiyasi

IJTIMOIY-SIYOSIY GAZETA | t.me/Gazeta_Adolat | info@adolatgz.uz | adolatgz-95@mail.ru | www.adolatgz.uz | www.adolat.uz | № 42-son (1312) | 2020-yil 13-noyabr, juma

ФРАКЦИЯ ЙИГИЛИШИ



Энди фуқаролар ҳам Конституциявий судга МУРОЖААТ қилиш ҳуқуқига ЭГА бўлади

Биз жамиятда коррупцияга нисбатан мутлақо тоқатсизлик маданиятини шакллантиришга қаратилган тизимли чора-тадбирларни ишлаб чиқамиз ва кенг оммага етказиш борасида самарали ишларни ташкил қиламиз.

Биз давлат бошқаруви органлари, назорат қилувчи ва ҳуқуқни муҳофаза қилувчи тузилмалар фаолиятида қонунчилик нормаларининг бузилишига, уларнинг нотўғри ва ўзбошимчилик билан талқин этилишига, шунингдек, тўрачилик, расмийчилик ва коррупцияга қарши кескин кураш олиб борамиз. Коррупцияга оид ҳолатларнинг ўз вақтида олдини олиш, уларни аниқлаш ва баргараф этилишини таъминлаш, шунингдек, коррупцияга имкон берувчи сабаблар ва шарт-шароитларни йўқотиш чораларини кўрамиз.

Ўзбекистон «Адолат» социал-демократик партиясининг Сайловолди дастуридан

МУҲАРРИР МИНБАРИ

КОРРУПЦИЯ — КЕЛАЖАК КУШАНДАСИ

Жамият ривожига ғов бўлаётган яна бир иллат — коррупция балосидир.

Шавкат МИРЗИЁЕВ,
Ўзбекистон Республикаси Президенти

(Биринчи мақола)

Ўзбекистон Республикаси Бош прокурори Ниғматилла Йўлдошевнинг коррупцияга қарши курашиш бўйича идоралараро йиғилишдаги нутқи тугаб бораётган ҳафтада том маънода шов-шувга айланди. Кимнинг оғзига қарама, бир гап, “Эшитдингизми, молиячилар бунча миллион ўмарган экан”, “Адашдингиз, миллион эмас, миллиард”, “Банкирларни айтмай-сизми, банкирларни, нафси ўпқон экан-ей”, “Ҳокимлик мутасаддилари-чи, давлатнинг ерини отасидан қолган меросдай кимошдига чиқариб юборишган экан шов-возлар”, “Қурувчилар-чи, қурувчилар...”

Хуллас, ҳафта давомида чойхона-ю майхоналарда ана шу ва шунга ўхшаш “еб кетибди”, “ичиб кетибди” қабилидаги гап-сўзлар, замонавий тилда айтганда ТРЕНДга айланди. Блогерлар, ижтимоий тармоқлару турли-туман сайтларга ҳам худо берди...

МИННАТДОРЛИК

Депутатимиз номига



сайловчиларидан ташаккурнома келди

Бугун жамиятимиздаги барча соҳаларда бўлгани каби депутатларнинг ўз сайловчилари муаммолари билан ишлашдаги фаолликлари ҳам ҳар қачонгиданда самарали тарзда амалга ошириб келинмоқда. Жумладан, Олий Мажлис Қонунчилик палатаси депутати Дилмурод Исмоилов ҳам сайловчилари турмуш тарзини яхшилаш, уларнинг дарду ташвишига малҳам бўлишни ўз фаолиятидаги устувор вазифа, деб биладиган депутатлардан.

Жорий йилнинг октябрь ойи бошида депутат Дилмурод Исмоиловнинг ўз сайловчилари билан юзма-юз мулоқотлари чоғида Наманган шаҳар, “Истикбол” МФЙ Чортоқ йўли 9-Боғи Эрам кўчасида яшовчи фуқаролар томонидан маҳалла худуди ахборот технологиялари асри бўлишига қарамасдан, алоқа тармоғи билан таъминланмаганлиги юзасидан мурожаат қилинди.

Дилмурод Исмоилов томонидан мазкур мурожаат атрофлича ўрганиб чиқилиб, муаммонинг ечими юзасидан тегишли ташкилотларга депутатлик сўрови чиқарилиб, унинг ижроси доимий назоратга олинди. Натижада октябрь ойининг биринчи ўн кунлигида “Истикбол” маҳалласида яшовчи ўн мингдан ортиқ фуқаролар эҳтиёжи учун етарли бўлган шиша толали алоқа тармоғи етказиб берилди.

Йиллар давомида кўпга ташкилотлар орасида сарсонгарчиликларга дуч келиб, маҳалла муаммоларини ҳал эта олмайд келаётган бир гуруҳ маҳалла фаоллари номидан ўз мурожаатларининг қисқа фурсатда депутат аралашуви билан ҳал бўлганлиги учун Олий Мажлис Қонунчилик палатаси депутати Дилмурод Исмоилов номига Ташаккурнома келди.

МУНОСАБАТ

Ўзбекистон — ШХТ: тинчлик ва тараққиёт йўлидаги самарали ҳамкорлик

Маълумки, Шанхай ҳамкорлик Ташкилоти (ШХТ) шиддат билан ўзгариб бораётган ҳозирги замоннинг долзарб муаммоларини ҳал қилишда, хавфсизлик ва барқарор тараққиётни таъминлашда катта ҳисса қўшиб келаётган нуфузли халқаро ташкилот ҳисобланади.



2-5

Обуна — 2021



“ADOLAT” газетасига обуна давом этмоқда
обуна индекси 100

У ҲАҚИҚАТДАН ҲАМ СУВГА ЧЎКТИРИЛГАНМИДИ?..

Археологлар томонидан қазиб олинган, Мажиддин Бағдодийга нисбат берилётган қабртошни зиёрат қилаётиб ҳаётнинг абадий қонуниятини намён қилувчи бир ҳақиқатни — инсон бу дунё учун омонат, умр ўлчовли, тириклик унга қарзга берилганлигини, лекин бу заминда яхшилик учун хизмат қилганлар, ўлмас ғоялар яратганлар, умрбоқий сўз айтганлар, башарият учун улуг амалларни бажарганлар тарих бағрида йўқ бўлиб кетмаслигини, улар мангуликка дахлдор эканликларини яна бир қарра чуқурроқ англаб етдим.

5

Имконияти чекланганлар учун “surdo-onlayn” планшетлар ўрнатилди

Халқ депутатлари Тошкент шаҳар Кенгашининг 2020 йил 14 февралдаги сессиясида депутат Луиза Хикматова ногиронлиги (карсоқовлар) бўлган шахслар учун Тошкент шаҳридаги давлат муассасаларининг маъмурий биноларида, жумладан, Давлат хизматлари марказларида, банк шохобчаларида, тиббиёт поликлиникаларида, халқ таълими муассасаларида, адлия бўлимларида “онлайн” сурдо-таржимон планшетлар ўрнатиш тақдирини илгари сурган ва бу бўйича Кенгашнинг тегишли қарори чиқарилишига эришилган эди.



Мазкур лойиҳаларни амалга ошириш бўйича пул маблағлари маҳаллий бюджетнинг қўшимча маблағлари ҳисобидан ажратилиб, ихро учун Тош-

кент шаҳар ҳокимлигига тақдим этилган. Бугунга келиб гапириб ва эшитиш билан боғлиқ имконияти чекланган шахслар Тошкент

шаҳридаги Давлат хизматлари марказларида мурожаат қилганда сурдо-таржимонсиз исталган давлат хизматларидан фойдаланишлари мумкин. Жорий

йилнинг 3 ноябрь кунидан бошлаб Тошкент шаҳридаги 11 та туман Давлат хизматлари марказларида тажриба синов тартиқасида “surdo-onlayn” (мах-

сус электрон мосламаси) ишга туширилди.

Давлат хизматларининг кириш қисмларида, фуқароларни қабул қилиш бурчакларида ҳамда “surdo-onlayn” планшетлари жойлашган операторларнинг иш столига махсус белгилар жойлаштирилди.

Махсус белгилар, ўз навбатида Давлат хизматлари марказларида ташриф буюрган имконияти чекланган шахсларни тўғридан-тўғри “surdo-onlayn” планшети жойлашган операторга йўналтиради.

Давлат хизматлари марказларида жойлаштирилган “surdo-onlayn” планшетлари бевоқифа онлайн тарзда, яъни интернет коммуникация тизими орқали доимий равишда ишлайди ва тўғридан-тўғри таржима қилади. Ушбу тизимни ўрнатишдан мақсад, Тошкент шаҳридаги эшитишида ва гапиришида нуқсон бор шахслар билан тўлақонли мулоқотни таъминлаш ҳамда қулай, тез ва шаффоф хизматлар кўрсатишдан иборатдир.

Келгусида ушбу тизимни республиканинг барча ҳудудларида жойлашган Давлат хизматлари марказлари ҳамда ФХДЭ органларида кенг жорий қилиш назарда тутилган.

Меҳринисо БОБОНАЗАРОВА,
Тошкент шаҳар кенгаши матбуот котиби

МУАММО БИР КУНДА ҲАЛ ЭТИЛДИ

Навбатдаги манзил Гулистон шаҳри бўлди. “Бўстон” маҳалласи, 13-уй, 47-хонадонда истиқомат қилувчи Олга Евсеевадан халқ депутатлари Гулистон шаҳар Кенгаши депутати Дилшод Тожибоевга мурожаат бўлди. Унда фуқаро биринчи гуруҳ ногирони эканлиги ва бугунги кунда ногиронлик аравачасига эҳтиёж сезаётганлиги акс этган. Вазият ўрганилганда ҳақиқатдан ҳам Олга Евсеева тўрт йил бурун инсультага чалинган ва тўшакка миҳланиб қолгани аниқланди.



Депутат Дилшод Тожибоев Гулистон шаҳар тиббий ижтимоий хизматлар шўъбасига депутатлик сўровини жўнатди. Орадан бир кун ўтиб, ижобий жавоб олинди ва мурожаат муаллифининг хонадонига Сирдарё вилоят кенгаши ва депутат томонидан ногиронлик аравачаси етказиб берилди.

— Мен “Адолат” партияси ва депутатларига раҳмат айтаман. Чунки бир неча йиллардан буён кўплаб бошқа ташкилотларга ногиронлик аравачаси сўраб мурожаат қилдим. Лекин натижа бўлмади. Шу масалада “Адолат” партияси ва депутатларга кеча мурожаат қилган эдим, бугун эса уйимга аравачани совға сифатида олиб келиб беришди. Қувончдан дардимни унутгандек бўлдим, — деди биз билан суҳбатда Олга Евсеева.

Маҳфират ХУДОЙБЕРДИЕВА
Сирдарё вилоят кенгаши матбуот котиби

Эўравонликка қаршимиз



ДАВРА СУҲБАТИ

Ўзбекистон «Адолат» СДП Андижон вилоят кенгаши «Аёллар қаноти» ташаббуси билан «Хотин-қизларнинг фаоллигига нисбатан эўравонликларнинг олдини олиш — мамлакатдаги ислохотларнинг муҳим омил» мавзусида давра суҳбати ташкил этилди. Унда партия сафидаги аёллар ва ҳамкор ташкилотларнинг вакиллари иштирок этди.

Тадбир аввалида ҳуқуқшунос Музаффар Мамадалиев давлатимиз раҳбари раислигида шу йилнинг 8 октябрь куни ўтказилган видеоселектор йиғилишида кўтарилган масалалар, жумладан, хотин-қизлар ва ёшларнинг ролини ошириш ҳамда бандлигини таъминлаш борасида белгиланган вазифаларга йиғилганлар эътиборини қаратди. Кейинги йилларда

хотин-қизларнинг жамиятда туган ўрни янада ўсиб бораётгани, давлатимиз ривожига қўшаётган ҳиссаси, ижтимоий-сиёсий фаоллиги ҳақида гапирди.

Тадбирда хотин-қизларнинг фаоллигига нисбатан эўравонликларнинг олдини олиш хусусида сўз юритилди. Бунинг учун биринчи навбатда қонун устуворлигини таъминлаш, хотин-қизларнинг

ҳуқуқий маданиятини ошириш заруриги таъкидланди. “Адолат”-чилар томонидан жамоатчилик орасида ҳуқуқий мавзуда ўтказилаётган тарғибот тадбирларининг самарадорлиги, “Адолат қабулхонаси”га қилинаётган мурожаатлар ва уларнинг ечими таҳлил қилинди.

Тадбир якунида партия фаоллари ва маҳаллий Кенгаш депутатлари томонидан мавзу юзасидан жойларда тарғибот тадбирлари ташкил этиш ва жамоатчилик назоратини амалга оширишга келишиб олинди.

Малоҳатхон МУСАЕВА,
Андижон вилоят кенгаши раиси ўринбосари

ЖИНОЯТГА ЖАЗО МУҚАРРАР

Ўзбекистон Республикаси суд тизимида сайёр суд мажлислари ташкил қилина бошлагани айни муддао бўлди, десак асло муболаға бўлмайди. Судланувчининг яшаш ҳудудида ўтказилган сайёр суд жараёни айбланувчининг турмуш тарзи, қандай инсонлиги ҳақида тўла маълумот тўплашда, ҳақиқатни аниқлашда, шаффофликка эришишда ва жазо тайинлашда адолат тамойилларига амал қилишда катта имконият яратмоқда.

Икки кўлдан чиққан «ҚАРС»...

Шундай суд ишларидан бири ҳақида тўхталсак. Жорий йилнинг 27 октяб-рида жиноят ишлари бўйича Хатирчи туман сайёр суд мажлиси “Тасмачи” МФЙ биносидан ўтказилди. Шу қишлоқ фуқароси Сирожиддин Сафаров (исм-фамилиялар ўзгартирилган — тахририят) Ўзбекистон Республикаси Жиноят кодекси 105-моддасининг 1-қисми билан айбланган.

Урта махсус маълумотга эга, 34 ёшли судланувчи С.Сафаров шу туманда туғилиб ўсган, оилали, 2 нафар фарзанднинг отаси. Ота-боболаримиз баъзи-

ларни ҳали ёш, қони қайноқ-да ҳали, деса, Сирожиддиннинг ёшидаги ларни ҳаётнинг пасту баландини кўриб, оқ-қорани таниган, дея таърифлашди. Аммо шундай одам кўниси, қишлоқдоши билан муомала қилиб, орадаги муаммони яхшилик билан ҳал қилиш тадбирини кўриш ҳақида ўйлаб ҳам кўрмади.

С.Сафаров 2020 йил 30 июль куни соат 07:40 ларда “Тасмачи” қишлоғидаги дашт ерда жойлашган узумзорига бориб, у ерда ишлаб юрган акаси Жасур Сафаров билан учрашди. Бу

ерга келишининг сабаби ака-укалар Шухрат ва Шариф Раҳимовлар уларнинг укаси Қудратни белкурак билан уриб, унга тан жароҳати етказганликларини, Қудратнинг соғлиги ёмон аҳволда эканлигини, уни бу аҳволга солганликлари учун қўшни боғ эгалари билан гаплашиб олмоқчи эканлигини айтиди. Бу воқеани эшитган Жасурнинг ҳам жаҳли чиқди. Бу муштум-зўрликнинг ҳисобини сўраш учун кетаётган укасининг улар билан уришиб кетишидан ҳадиксираб, у ҳам укасининг орқасидан юради.



наф? Тасвирчи ука бир умр виждон азобида қолмасмиди?

Сирожиддин ва Жасур Сафаровлар Шухратни уриб, тепиб умурдан чиққач, Шарифнинг тасвирга олаётганини кўриб, у томонга юришди. Шариф қочади, улар қувлашди, аммо етишолмайди. Улар кетгач, қайтиб келиб, акасининг аҳволи ёмонлигини кўради ва уни туман тиббиёт бирлашмасига олиб боради.

“Тасмачи” МФЙда ўтказилган сайёр суд мажлисида жабланувчи Шухрат Раҳимов судланувчи унинг бўйининг орқа томони ва бел қисмига тепганини, унга даъвоси борлигини, кечирмаслигини, етказилган моддий ва маънавий зарар масаласида фуқаролик судига мурожаат қилишини, қонундаги энг оғир жазо тайинлашни сўраб кўрсатма беради.

Халқимизда қарс икки кўлдан чиқади деган нақл бор. Бу айни ҳақиқат. Бир кун олдин ака-ука Раҳимовлар Қиличбек Сафаровни белкурак билан уриб, жароҳат етказмасдан муомалаю мадора қилганларида, Сафаровлар ҳам муаммони тинч йўл билан ҳал қилиш йўлларини излаганларида бу ҳолга тушмаган бўлар эдилар. Қишлоқдошлари олдида икки оила вакилларининг ҳам юзлари шувит бўлмас эди. Жиноят ишлари бўйича Хатирчи туман суди суд-

ланувчи С.Сафаровга нисбатан жазо тури ва меъёрини белгилашда унинг айбига иқро ва пушаймонлигини, яшаш жойидан ижобий тавсифланганлигини, муқаддам судланмаганлигини Ўзбекистон Республикаси ЖКнинг 55-моддасига асосан жазосини енгиллаштирувчи ҳолатлар деб, Ўзбекистон Республикаси ЖКнинг 56-моддасига асосан жазони оғирлаштирувчи ҳолат йўқ деб ҳисоблади. Судланувчи Сирожиддин Сафаровни Ўзбекистон Республикаси Жиноят кодекси 105-моддасининг 1-қисмида назарда тутилган жиноятни содир этганликда айбли деб топди ва унга Ўзбекистон Республикаси ЖК 105-моддасининг 1-қисми билан 1 (бир) йил 6 (олти) ой муддатга озодликни чеклаш жазосини тайинлади.

Мамлакатимизда қонун устуворлиги таъминланган. Жиноят қилган фуқаро борки, жазо олиши муқаррар. Судья қонун ҳужжат-

лари асосида қумқ чиқаради. Аммо кичкин бошқа нарса мулоҳазага чорлайди. Қишлоқда биров-бировга бегона эмас. Одамларнинг дил ришталари қариндошлик, қўшничилик, қишлоқдошлик тўғрисида билан бир-бирига қамбарчас боғлиқлиги кетган. Қўшни тандирида нон ёпилган қони икки ёнидаги қўшниси дастурхонда ҳам иссиқ нон бўлади. Ширин таом пишириб, албатта, қўшнига илинади. Ана шундай қадриятларга эга халқ фарзандлари арзирли сабабсиз бир-бирини белкурак билан урса, ёқалашса, тан жароҳати етказса, тан уларни ажратиб, бир-биридан узр сўраш ўрнига ўз аксини калтаклашаётгани бемалол тасвирга олиб турса... бу қайси мантқиқ тўғри келади?! У тан жароҳати етказган йигит ички ишлар ва суд органларига шикоят қилмасою ҳисоб сўраб келган акага жазонинг энг оғир тури берилишини сўрашса...

Бир куни қорлар ёғади, излар босилади. Аммо жаҳлга эрк бераверсак, халқимизнинг кечиримлилик, меҳр-оқибатлилик борасидаги қадриятларига путур етиши бор гап. Қишлоқнинг келбатли, бақувват эркаклари ўзаро муштлашувдан номуқ қилиш ўрнига бу ишини элга дoston қилиб, суддан жазо талаб қилиб юриши йигит деган шарафли номга муносибмикин?..

Зайниддин ҲАМДАМОВ,
Жиноят ишлари бўйича Хатирчи туман суди судья ёрдамчиси
Саодат МАТЁҚУБ ҚИЗИ,
“Адолат” муҳбири

